

DISCOVER

(Bible Ralchhan)

Zirlai - 14
Tawngtai Chhanna Thuruk

Anatoli Levitin chu Russia mi, thuziak thĭn leh chanchin ziaktu a ni a, kum tam tak Siberian Gulag, Pathian hnĕna tawngtaina te chu vĕn thleng lova, leia thĕmral mai thĭn hunah chuan a a awm. Amaherawh

© Tami M. M. / 1998

chu thlarauva khat tha takin chumi hmun aţang chuan a lo kîr leh ta a ni. “Thil zawnz zawnza mak ber chu ţawnţaina hi a lo ni,” tiin a ziak a ni. “Ka rilru takin Pathian lam ka hawi maia, chu veleh khawi aţang emaw a chakna lo kal, ka chhûnglam, ka puma baw lût chu ka hre thei ta a ni. Hei hi eng nge ni? Taksa peng diklo rilru lam aţanga enkawl chi em ni? Ni lo. Rilru lam enkawl na lam awzawnz a ni lo; kei putar chaklotê, dam pawh ning tawh hian, he chakna, mi tichak thara, chaklohna aţanga mi chhandama leichunga mi chawikangtu engtin nge chutiang zawnz chuan ka hmuh teh lul ang a keima pâwnlam aţanga lo kal a ni, khawvêlah hian eng ang chakna mah lo do zo a awm lo,” a ti a ni.

He Kawhmuhaah hian, engtin nge ţawnţaina thlarau thaw hian Pathian nêna inzawmna nghet zâwk leh Kristian nun hrisêl zâwk nei turin min ţanpui ang?

1. PATHIAN NENA INPAWLNA

Kan ţawnţai hian engtin nge, Pathian chuan a lo hre ngei a ni tih kan hriat theih ang?

“Nangni lama ka rilru putzia chu ka inhre si a, in hun hnuhnûng tâwpah chuan beiseina pe tûr che uin thil thalo ni lovin thatna ka ngaihtuah asin. Mi lam ang a, ka hnênah in rawn ţawnţai ang a, ka ngaithla ang che u. Mi zawnz ang a, in thinlung zawnz zawnza mi zawn hunah chuan mi hmu ang.” Jeremia 29:11-13.

Isua chuan kan ţawnţaina chu a ngaithlain a chhâng ang tih hriatchianna eng nge min pêk?

“Chutichuan ka ti a che u, dil rawh u tichuan an pe ang che; zawnz rawh u tichuan in hmu ang; kik rawh u, tichuan an hawnsak ang che u.” Luke 11:9.

Ṭawngṭaina hi inbiakpawh tawwna thlur hnih a ni. Heti hian Isuan a tiam a:

“Ngai teh, kawngkhâr bula dingin ka kik hi; tupawhin ka âw hriaa kawng a hawn chuan a hnênah ka lut ang a, a hnênah zanriah ka ei ang a, ani pawhin ka hnênah a ei bawk ang.” Thupuan 3:20.

Engtin nge ṭhuthmun rema Krista nêh zanriah tuihnai tak chu kilho a nih theih dân?

Pakhatna: Kan thinlunga awm apiang ṭawngṭaia kan hrilh hian (ṭawngkam mawi leh inti sakhua ringawt lovin). Pahnihna, Ngun taka ngaithlain. Ṭawngṭai chung a kan ngaihtuah hian Pathian chuan kan hnênah thu a rawn sawi thei a ni. Tin, Pathian Thu (Bible) inhlân chung a kan chhiar chuan chung thute hmang chuan Pathianin min bia ang.

Ṭawngṭaina hi Kristiante tân chuan nunah a bet a ni.

“Lawm fo ula; bang lovin ṭawngṭai ula; engkimah lâwmthu hril fo rawh u, chu chu nangmahni lam thuah Krista Isuaah chuan Pathian duhzâwng a ni si a.” 1 Thesalonika 5:18-19.

Engtin nge bang lova kan ṭawngṭai ang? Englai pawha ṭhingṭhiin emaw chawimawina emaw dilna thute kan sawi zawm zat mai dâwn em ni? Ni lah love, Bible-in a tum chu Krista ngheng reng nunna englai pawh khawi hmunah pawh amah chu awlsam taka be thei hi a ni.

"Eng hun pawh leh khawi hmunah mah kan dilnate Pathian hnêna kan hlan theih lohna an awm lo. Thlarauva tih tak zeta kan ṭawngṭaina dal thei engmah a awm lo. Mi tâwt mup mupna lai kawthlêrah te, sumdawwna indawrna hmunah te pawh, kan dilna chu Pathian hnênah kan hlan thei a, tin, Pathian kaihhruaina kan dil thei a, kan thinlung

kawngkhâr chu englai pawha hawngin, kan sâwmna pawh chunglama chhova Isua chu vânlam mikhual anga kan hnêna cheng tûrin kan sâwm tûr a ni." *Krista Panna Kailâwn*, pp. 77, 78).

Hetianga inhnai taka inpâwlina neih theih dân tha berte zînga pakhat chu kan ÷awngtaï laia ngun taka ngaihtuahna hi a ni.

"Ka ngaihtuahna hi a tân thlum tak ni rawh se; kei chu LALPA-ah chuan ka hlim ang." Sâm 104 :34.

"Mi zawng zawng hnêna i sawtna a lan theih nân chung thilah chuan taima la, chungah chuan in hmang zo rawh." 1 Timothea 4:15.


"A lâwmna chu LALPA dânah a ni zâwk a, A dân thu chu a chhun a zânin a ngaihtuah ÷hîn." Sâm 1:2.

I ÷awngtaiin i thil dilte sawi zung zung satliah lo la, a mal malin sawi chat chat rawh. Ngaithla la, ngun taka i ÷awngtaï chhânna nghahna chuan Pathian nêna in inzawmna pawh nasa takin a tihausa thei ang.

"Pathian hnaih rawh u, tichuan anin a hnaih ang che u." Jakoba 4:8.

Isua chu kan hnaih zawh poh leh, min pâwlina chu kan hrechiang mai a ni.

Chuvângin Isua nêna inbe pha rengin awm rawh, a nunin a uap phâklohva hlaah awm ngai suh. I thusawi dik leh dik loh lamah buai lutuk lo la. Rilru



tak leh tlang takin sawi ṭhîn ang che. Engpawh sawipui mai rawh. Ani chu i ṭhian bul tak tak a nih theihna tûra thihna khawp lungngaihna kaltlang tawh a ni asin.

2. TAWNGṬAI DAN

Mipui hmâah emaw, a mal emawa kan ṭawngṭai hian Isuan tlâng chung a ṭawngṭai dân a zirtîr ang kha kan zâwm duh maithei a. Isuan a zirtîrte chu, “Ṭawngṭai dân min zirtîr ta che,” tia an dilna chhângin ṭawngṭai dân a zirtîr a ni.

“Kan Pa vâna mi, i hming zahawm rawh se. I ram lo thleng rawh se, I duhzâwng vâna an tih angin leia min ti rawh se. Vawiinah hian kan ei khawpin chaw min pe ang che. Kan bâte hi min ngaidam ang che, keini pawhin kan englo bâte kan ngaidam tak ang khân, sual tûra thlêmnaah min hruai lut suh la, sual lakah min chhandam zâwk ang che; ram te, thiltihtheihna te, ropuina te chatuana i ta a ni si a, Amen” Matthaia 6:9-13.

Isuan ṭawngṭai dân min zirtîr ang chuan Pathian chu vâna kan Pa angin a hmaah kan kal tûr a ni a, vâna miten a duhzâwng an ti angin kan thinlungah thu a nei tûr a ni. Kan taksa mamawh te, ngaidamna te leh hnehna thinlung atân te kan dil thei a ni. Sual kan hneh theihna hi Pathian hnên aṭang chauhva lo awm a ni tih kan hre tûr a ni. Krista ṭawngṭai tâwpna chu fakna thu a ni.

A dang lehah chuan Isua chuan a zirtîrte chu a hming hmanga Pathian hnêna ṭawngṭai tûrin a zirtîr a ni. (Johana 16:23). Chu mi awmzia chu Isua ṭawngṭai dân zul zuiin tihna a ni. Chuvâng chuan Kristiante hian an ṭawngṭai tâwpah, “Isua hmingin, Amen,” an ti ṭhîn a ni. Amen tih hi Hebrai ṭawng a ni a, “Chutiang chu ni rawh se,” tihna a ni.

A châng chuan Kristiante hian Lalpa Tawngtaina hi “Tawngtai dân” an ti a ni. An rilrua vawngin mi zîngah an sawi thîn. Lalpa tawngtaina hian eng nge kan dilin engtin nge kan dil ang tih kaihhruaina min pe nain, kan thinlunga lo chhuak ang taka kan tawngtai hian a tha ber a ni.

Bible-a a hmei a pate tawngtaina tamtak hian thil pawimawh pakhat zirtûr min pe a, chu chu engpawh dil hi a ni. Pathian chuan thil khirhkhân chungchâng dil tûrin min râwn a; sualte ngaihdamna nê (I Johana 1:9), rinna tihpun nân te (Marka 9:11), kan khawsak nâna kan mamawh te (Matthaia 6:11), tuarna leh natna aţang te (Jakoba 5:15) , leh thlarau ruah sûr dawng tûr tein. (Zakaria 10:1). Chumi rual chuan kan mamawh leh kan lungkham zawng zawngte pawh Isua kebulah kan thlen thei tih min tiam a, tawngtaia dil atân engmah tê lutuk a awm lo.

“Anin a ngaihsak thîn che u avângin in manganna zawng zawng ama chungah ngat rawh u.” 1 Petera 5:7.

Chhandamtu chuan kan nuna engkim hi a ngaihsak a, Pathian chu kan tawngtaiah a lâwm thîn, Amah hmangaihna leh rinnaa kan thinlungin a hnên a thlen hian ani pawh a lâwm a ni.

3. FIANRIAL TAWNGTAI

Mi tam tak chuan thil tam tak kan thian tha takte bulah pawh kan sawichhuak duh loh, kan rilrua kan vawn tlat kan nei a. Fianrial tawngtaiah chuan engkim mai hi kan rilru ata a mal malin bun chhuak vek tûrin Pathian chuan min duh a ni. Ani chuan chung chanchinte chu a mamawh a ni lo. Engkimtitheia chuan kan hlauh rûk dân

te pawh a hre vek a, kan chetzia kan thurûkte, leh kan duhlohzâwng kan zêprûk tlatte pawh keimahni âiin a hre Chiang zâwk a ni. Chutichung chuan Chiang taka min hretu leh tâwp neilova min hmangaihtu hnênah chuan kan thinlung chu kan phawrhfai tûr a ni. Tihdamna hi Isuan a nalai a khawih hunah chauh a inṭan ṭhîn a ni. Kan harsatnate chu kan pawmin kan mawmawhte pawh kan hre tûr a ni. Ṭhanlenna chu Isuan kan chaklohna lian ber berte min rawn ensak hunah chauh a thleng dâwn a ni.

Kan ṭawngṭai hian Isua, kan Pathian Lal chu kan mamawhna apianga min ṭanpui tûrin a hnai reng a ni.

“Puithiam Lalber kan chaklohnate min hriatpui thei lo nei kan ni si lo. Keimahni anga kawng tinrênga thlêmna tâwk tawh, sual erawh chu sual lo, nei kan ni zâwk e. Chutichuan zahngaihna kan hmuh theihna tûr leh puih kan ngaih huna ṭanpuina khawngaihna kan hmuh theihna tûrin, khawngaihna laṭṭhutphah chu huai takin i hnaih ang u.” Hebrai 4:15,16.

Lungkham, veiriau leh dik lova inhriatna i nei em? I neih chuan Lalpa hmâah thlen rawh. Ṭawngṭaina hian Krista khawngaihna leh zahngaihna âng chhûngah min thlen ṭhîn a, chuta ṭang chuan kan mamawh tinrêng min neihtîr ṭhîn. Fianrial ṭawngṭaina hi a bîk takin kan nei dâwn lâwm ni?

“Nang erawh chu i ṭawngṭaiin, i pindan chhûngrilah lut la, i kawngkhâr la, i Pa a rûka awm (hmutu) hnênah chuan ṭawngṭai rawh; tichuan i Pa a rûka hmu ṭhintu chuan a rul ang che.” Mat. 6:6.

Kawthlêra kal paha kan ṭawngṭaiin emaw, kan hnathawh laiin emaw, inkawmhona a ni emaw, Kristian tinte hian mahni tân bîka ṭawngṭaina hun an nei tûr a ni. Babulon ram Sorkâr a milian leh Pathiana mi ropui,

Daniela meuh pawh kha nitin vawithum - zîng, chhun leh zânah a ÷awngtai ÷hîn a ni. Kristian ÷hanglai tam berte hian hun leh hmun ruat bik Bible zir leh ÷awngtaia Pathian pâwlina an nei ÷hîn, nang pawh nitina i remchan lai ber leh i in ngaihtuah theihna ber Pathian nêen in inpawl dân tûr duang chhuak rawh.

4. TAWNGTAI HONA

Midangte nêna ÷awngtai hona hian in zawmna bik a siam a. Tin, a bik takin Pathian chakna a lantîr ÷hîn.

“Mi pahnih emaw pathum emaw ka hminga an inkhâwmna a piangah chuan an zîngah ka awm ÷hîn.” Matthaia 18:20.

Lalpa ÷awngtaina hi sawi chhuak tûrin minit khat aia tlêm a duh tih hre reng la, vântlânga (a huhova) ÷awngtaina chu a tawi tûr a ni. ÷awngtaina chu Pathian hmaa thu sawi lova, mipui hmâa sawi ang zâwk tûrin siam suh. Tin, ÷awngkam pangngai ni lo leh a tihdân zirchawp angin ÷awngtai lo la; fiahfel taka zahna nêen inngaihtlawmna hi lalte Lal leh hotute Hotu biak nân chuan a ÷ha zâwk daih a ni.

Chhûngkuaa thil ropui tak kan tih theih pakhat chu ÷awngtaiho chîn hi a ni. In fate hnênah chuan kan mamawhte chu Pathian hnênah keimahni ngeiin kan thlen thei tih hrilh rawh u. Pathian ngeiin ÷awngtainate kawng tinrêngah a chhang a ni tih an hriat chuan a chanchin hriat pawh nuam an ti ngawt ang. Chhûngkaw ÷awngtaihona hi hlimawm, hahdam leh ngaihdânte thawhkhâwmna hun nuam takah hmang ang che.

5. TAWNGṬAI HLAWHTLINNA
THURUK PASARIHTE

Mosia ṭawngṭaina avângin Tuipui Sen a chat a, Elija ṭawngṭaina avângin vâvân aṭangin mei a lo tlâ a, Daniela ṭawngṭaina avângin Sakeibaknei rilṭam tak kâ a chîp bawk a ni. Bible hian ṭawngṭai hlawhtling chanchin tam tak min hrilh a ni. Ṭawngṭaina hi Pathian chakna ropui tak haichhuahna angin a sawi a ni. Isua thutiam ropui tak hi ngaihtuah teh:

“Nangnin ka hminga engpawh mi dil chuan chu chu ka ti zêl ang,” Johana 14:14.

Isua chuan kan dil leh kan ngaihtuahna zawng zawng aia nasa zâwk a ti thei a.” (Efesi 3:20). Pathian pawhin, “Min ko ula tin, ka chhang ang che u,” (Jeremia 33:3) tiin min tiam a ni. Chutichung chuan ṭawngṭaina thenkhat chu chhân lohvin an awm niin a lang. Engvang nge? Ṭawngṭainaah hian tih ngei tûr tuk a awm em? Hêng hi thil pasarih hlawhtling zâwka i ṭawngṭai theihna tûrte chu an ni.

1. KRISTA HNIAH RENG RAWH :

“Nangni keimaha in awm reng a, ka thu nangmahnia a awm reng bawk chuan in duh a piang min dil rawh u, in tân tihin a awm zêl ang.” Johana 15:7.

Amah ngei pawimawh ber leh ngheng renga Pathian nêna inzawmna kan neih chuan, kan ṭawngṭai, kawng danga chhân ni lo mai thei chu kan ngaihlain a chhânna kan ngâk ngei ngei ang.

2. PATHIAN RING ZEL RAWH.

“Engkim ring chung a ṭawngṭaia in dil apiang chu in hmu ang.” Matthaia 21:22.

Rinna awmzia chu kan ṭawngṭai chu thing

kawngkhar va kik ang mai nilo, kan mamawhte min pe tûra kan Pa Vâna mi kan lo nghâk hi a ni. Rinna ber chu kan tlachham a kan buai a nih hlauh chuan, kan Chhandamtu chuan a mamawh takzette tân chuan thil mak hial pawh a ti thîn a ni.

“Ka ring e, ka rinhlelhnaah hian min pui ang che,' a ti a.” Marka 9:24.

Rinna i neih chhun tipung la, i neih loh rinna lam erawhchu buaipui suh.

3. PATHIAN DUHZAWNGAH LAWU TAKIN IINTULUT RAWH

“Hei hi amâ chungu kan huaina chu a ni, engpawh a duhzâwng anga kan dil chuan anin min ngaihtuah sak thîn hi.” 1 Johana 5:14.

Ṭawngṭaina hmangin Pathian chuan kan dilte min pêk rualin min zirtîr duh baw tih hrereng ang che. A châng chuan, “Ni love,” a ti a. A châng leh kawng dangin min her thîn. Hei hian a hnulamah kan dil taka dil uar tûrin min zirtîr a ni. Ṭawngṭaina hi Pathian duhzâwng tam zâwk kan dawn theihna tûra hmanrua a ni. Pathian chhâna hrethei tûra hriatna ṭha kan neiin chûng aṭang chuan kan zir tûr a ni. I thil mamawh bîk bawhuina, chumi avânga engte nge lo thlengte chu i tân ṭanpuitu ṭha tak an ni ang.

“Pathian duhzâwng ang zêlin mithianghlimte chu a ṭawngṭaisak thîn avângin rilrute Entu chuan Thlarau duhzâwng chu a hrethei a ni,” tih hi hrethiam tûra bun ruak tûr chein, Thlarau Thianghlim chuan a pui thei dawn che a ni (Rom 8:27). Kan duhnate chu a duh dân anga kan hmuh thiamin Pathian duh dân nêu a inrem fovang.

4. DAWHTHEI TAKIN PATHIAN CHU NGHAK RAWH

“LALPA chu ka nghâk fan fan a; tichuan anin mi rawn thlek a, ka au chu a ngaithla ta.” Sâm 40:1.

He chângin a tum ber chu i thil nghah chu Pathianah ngat tlat la, i thil nghah chu ama tihfel atân dah tlat rawh. I dilna chu thâwklehkhata sawichhuak phut a, harsatna chu mak ti taka thlîr a, chu chu inhneh tîrin awm suh. Pathian chu ṭanpui tûr chea sâwmin chu mi hnu lawkah i buaina chu nuamsip bâwlna âthlâk takah thamraltîr tum suh. I dilna chu Pathianah dawhthei takin nghak rawh. Tun ang hmanhmawh leh intihhlîmna changkang hunah hian hetiang tûra theihna hi kan mamawh a ni.

5. SUAL VUAN TLAT SUH

“Ka thînlunga سوالنا ka ngaihsak chuan, LALPAN min ngaithla lovang.” Sâm 66:18.

Sual kawlrang hian kan nuna Pathian chakna a tichhe ṭhîn; hei hian Pathian nêh min ṭhenhrang ṭhîn (Isaia 59:1, 2). Hei hi i ṭawngṭaina chhân a nih nân i ṭha famkim tûr a ni tihna chu a ni lo. A awmzia chu kut khingkhata soal chelh reng chung a kut lehlama Pathian ṭanpuina dawn chu a theih loh tihna zâwk a ni. Thînlung taka thupha chawina leh simna hian kan harsatna a tikiang ṭhîn.

“In dil a, in dil dik loh avângin in hmu lo, in nawmsak nân hman in tum si a.” Jakoba 4:3.

Mahni hmasial leh rilru diklote ṭawngṭaina chu Pathianin a chhâng dâwn si lova. I beng chu Pathian lamahte a duh zâwng lamah te chhi la, tin, anin i dilna chu a lo ngaithla ang.

“Dân ngaithla duh lova hnuchhawntu chu a ṭawngṭaina pawh tenawm a ni.” Thufingte 28:9.

6. PATHIAN MAMAWHNA NEI RAWH

Pathian chuan an nuna Pathian awmpuina leh chakna diltute chu a chhâng ṭhîn.

“Felnaa rilṭama tuihalte chu an eng a thâwl

e; an la tlai dâwn si a.” Matthaia 5:6.

7. I DIL CHU DIL TLAT RAWH

Isua'n kan thil dil chu kan dil tlat tûr a ni tih entîr nân rorêltu hnêna hmeithai luhlul deuhvin thil a dil thu a sawi a, Lal chuan thinrim takin:

“He hmeithai hian mi tihbbuai avângin a phuba ka laksak teh mai ang, chutilo chuan a lo kal hian min la tihah hrep dah ang e,' a ti a. An chungah zaidawh rih mahsela a mi thlan, a chhûn azâna amah kotute phuba chu Pathianin a laksak lo vang em ni?” Johana 18:5,7.

Dilna satliah, a theih tak mialin tih ang chi dilna hi Pathian hnênah hlan suh. I mamawh zawng zawngte, i beiseina zawng zawngte, ama laka i suangtuahna zawng zawngte chu a hnênah sawi vek rawh. Malsâwmna bîk dil rawh. I mamawh hunah sâwm la, Pathian chhânna aţanga zir i neih hma chuan, ngaihvenin, ngaihlha reng rawh.


6. VANTIRHKOHTE CHUAN ʦAWNGʦAI DILNA CHU AN ʦANPUI ʦHIN.

Kan ʦawngʦai hian Pathian chuan khawi aţang pawha englai maha tlai ngailote vântirhkoh chu min chhâng tûrin a tîr ʦhîn.

“Anni zawng zawng chu rawngbâwl nathlaurate, chhandamna rochungtu turte tân rawngbâwl tûra tîrhchhuah an ni lo vem ni?” Hebrai 1:14.

Sâm ziaktu pawh vântirhkohte hmangin Lalpan a ʦawngʦaina a chhân avângin a lâwm êm êm a ni.

“LALPA chu ka



zawng a, tin, ani chuan mi chhâng a,..... Amah ṭihtute chu, an vêlah LALPA vântirhkoh chuan a awm chilh a, a chhanhim ṭhîn.” Sâm 34:4, 7.

Ni sawmli tawp mai thlêm a nih hnuin, Isua ṭawngṭaina avângin thlêmtu chuan a kalsan ta a ni. (Mat 4:11). Kan ṭawngṭai hian Pathian chuan vântirhkoh êng anga chak chu min chhâng tûrin a tîr ṭhîn.

Pathian Lehkha Thu chuan ringtu tinte hian min vêngtu vântirhkoh kan nei tih a sawi a ni.

“Hêng mi tête zînga pakhat pawh hi hmsit lo tûrin fimkhur rawh u; an vântirhkohten vânah ka Pa vâna mi hmêl chu an hmufo ṭhîn tih, ka hrilh che u hi.” Matthaia 18:10.

Exodus 23:20; Hebrai 13:2; Sâm 91:11,12, leh Tirhkohte 5:19 te hian kan ṭawngṭai hian vântirhkohten min fuih thu an sawi vek a ni. Mihringtena kan enchhin theih ropui berte zînga pakhat chu ṭawngṭaina hi a ni. Tichuan, nangpawh, i awmdân tûr chu vawiin ni ngei hian tifel rawh; nangmah ngeiin hmuhchuah nei ang che, kan ṭawngṭaite avâng hian:

“Lalpa chu a hnai e, Engah mah mangang suh u; engkimah ṭawngṭai leh dilin lâwmthu hril tel zêlin, in duhnate chu Pathian hnênah hriattîrin awm zâwk rawh se. Tichuan, Pathian thlamuanna rilru reng renga hriat sen loh khân, in thinsung leh in ngaihtuahnate chu Krista Isuaah chuan a vensak ang che u.” Filippi 4:5-7.

KRISTIANNUNDAN

He Kawhbmuhna leh Kawhbmuhna 15 aṭanga 20 te hi Kristian awmdân sawinate an ni a. Bible hian Kristian awm dân hi a bika sawina a nei rêng em?

"In hmân lai awmdân kawnga mihring hlui

bumna châkna anga chhe deuh deuh kha hlip thla ula, in rilru thlarauvah chuan a tharin lo awm ula, mihring thar, thutak felna leh thianghlimnaa Pathian anga siam khân inthuam rawh u.” Efesi 4:22-24.

Kristian chu a awm dân hlui, châkna tichhuak thîn chu hlip tûr a ni a, chu mi aiah chuan awmdân thar, Pathian anna thuamna chu a inbel tûr a ni, kan pianthar ve leh midanglam ni tûra siam kan ni ta a.

Bible chuan he awmdân thar, Thlarau Thianghlimin kan nung chang min thlâk sak nun, ang hian nung reng tûrin min duh a ni.

"Chutichuan chhûmpui nasa tak ang thlirtute min hual vêl avâng hian, min tihhawk apiang leh sual keimahnia bet tlat chu i dah ve ang u, tin, Isua kan rinna siamtu leh tifamkimtu lam chu enin, kan hmaa intlansiakna tûr awmah hian chhel takin i tlan zêl ang u. Ani chuan a hmaa hlimna awm avâng chuan mualphona chu ngainêpin Kraws chu a tuar a, Pathian lalthutphah dinglamah khian a thû ta a. In thlarau lamah in inthlahdah a, in lo hah loh nân, anmahni chung a tha lo tûrin misualte chutianga hnialkalhna tuartu chu ngaihtuah teh u khai.” Hebrai 12:1-3.

Hetah hian Pathian Lehkha Thu chuan, infiamna zau puia thlarau lam intlansiaknaa Kristiante chu tlan angin a suangtuah a. Chuta lo thlirtute chu chhûmpui nasa tak angin a lantîr a, chung zîngah chuan a hmei a pa, rinnaa miropui Hebrai bung 11-a chuangte chu an tel a. Chung zîngah chuan keini pawh infiamna angin kan tel ve a ni.

Kristiante hi min ti tûanfum theitu zawng zawngte paiha, he intlansiaknaa hneh ngei tûr hian kan thâ leh zung zawng zawngte chu hmang tûr kan ni. Hneh ngei

kan tum chuan englai pawhin Isua lam chu enin, Ani chu kan ngaihtuahna leh thiltiha kan entawn atân kan hmang tûr a ni. A awmdân leh a thilpêk chatuana nunna chu Kraws-a a tuar chhuah avâng leh kan aia sual leh thihna Hnehtu a nih vang a ni.

He thlirtu chhûmpui nasa tak Thuthlung Hlui hun atangte hian enge kan zir theih le? I hun remchângah Hebrai 11 hi chhiar la, engtiang kawngin nge hmanlaia rinna lama mi ropuite chu rinna hian harsatna leh fiahna tinrêngah hnehna a lo pêk thîn dân hi chhinchhiah teh. An hnehate chu kan ta a ni ve thei a, an hnehna te chu damchhûnga thil duhawm lo berte chungah pawh a ni thei a ni. Bung 11 hi chhiar zêl la, chutah chuan duhthlanna Chiang leh tum ruh taka chetna târlangtu thute chu chhinchhiah teh.

Hêng mite hian Messia lo kal tûr rinna chuan harsatnate chu an hneh a ni. An hlawhtlinna leh keini pawh kan hlawhtlinna tûr thurûk chu - “Isua lam en reng” hi a ni, chu chu rinna laipui a ni si a. Kristiante nun tinungtu chu Krista hi a ni. Ani chuan rinna min pe a, chu chu Kristiante nuna a pawimawh lai tak chu a ni, hrisêl taka mihringte thian theihna tinungtu chu a ni.

Kristian nundân a nun chuan thlamuanna famkim a thlen thîn. Thlamuanna famkim leh nun hlimnate pawh.

“I chung a rilru nghattu chu, nangmah a rin che avângin, thlamuang tak maia awm tûrin i vêng ang.” Isaia 26:3.

Chutak chu kan nun Kristaa nung reng nêna a inzawm veleha thil thleng thîn chu a ni.

Singapore khuaa missionary nupui pakhat chuan a damchhûng deuhthaw Buddhist lo ni a, Kristian lo ni ta hnênah, “Mr Lim, Buddhist leh Kristian danglamna eng nge i hmuh le?” tiin a zawt a.

“Chu chu thil awlte a ni,” tiin a chhâng a. “Isua ka chhandamtua ka neih achinah, ka thinlungah thlamuanna mak tak ka nei a ni,” a ti a.

Ringtharte hnênah he zawhna, “Tûnah chuan Kristian awmdânin i awm ta a, enge tun hma nêna danglamna?” tih hi an ni fova, a chhânna tam ber chu, “Ka thinlungah thlamuanna ka chhar,” tih hi a ni.

Tun zirlai leh a dang paruk lo la awm zêl tûrte hi Kristian nundân chungchâng an ni a. Kristian nun hlimna thurûkte an târlang dâwn a ni. Pathian nêna inhnaih zâwkna leh Kristian nun ðha zâwk a neihfîr ang che a. Chuvângin tûn aţang hian Isua lam chu en tlat la, chu hnehna hnahnûng ber lâwmnaah chuan i tel ve ang a, chutah chuan Krista thlamuanna cho rual loh chuan ro a rêl tawh ang.

Kan Pa vâna mi Thuk zâwka hriat che hi ka duh a ni. Tawngţainain nang nêna inpawh reng ka duh a. Awmze nei zâwka ţawngţai dân khawngaih takin min zirtîr ta che. Ngaihthlâk dân ðha zâwk dildân fel zâwkte, leh chhandân ðha zâwkte min kawhhmuh ang che. Chung zawng zawng chu Lal Isua hmingin ka dil a che, Amen.

Published by Mizo Conference of Seventh-day Adventists
Seventh-day Tlâng, P.O. Box 97, Aizawl 796 001, Mizoram.

DISCOVER - BIBLE RÂLCHHÂN